

# **S T A T U T**

**UDRUŽENJA "ŽIVOT"**

**Bihać, 2008. godina**

*Na osnovu člana 12., a u vezi sa članom 52. zakona o udruženjima i fondacijama ("Sl. novine Federacije Bosne i Hercegovine" broj: 45/02), te na osnovu člana 8 Statuta udruženja "Život" skupština udruženja održana dana 15.12.2007. godine, donosi*

## **STATUT**

### **UDRUŽENJA "ŽIVOT"**

#### **I. OPĆE ODREDBE**

##### **Član 1.**

Udruženje "Život" (u daljem tekstu: Udruženje) je slobodno i dobrovoljno udruženje građana koji su se udružili radi ostvarivanja zajedničkih potreba i interesa, te podsticanja kreativnih i drugih sposobnosti članova udruženja.

Ovim statutom uređuju se pitanja utvrđena u članu 14. stav 1. Zakona o udruženjima i fondacijama, te druga pitanja od značaja za ciljeve i djelatnosti udruženja.

#### **II. NAZIV I SJEDIŠTE UDRUŽENJA**

##### **Član 2.**

Puni naziv udruženja je: "Život"

Skraćeni naziv udruženja je: -

Sjedište Udruženja je u Bihaću, Žegarska aleja, bb. 77000 Bihać

#### **III. CILJEVI I DJELATNOSTI UDRUŽENJA**

##### **1. Ciljevi udruženja**

##### **Član 3.**

1. Doprinos razvoju države Bosne i Hercegovine
2. Poboljšanje naučno-nastavnog i istraživačkog rada
3. Podizanju ekološke svijesti građanstva i rada na zaštiti životne sredine

4. Saradnja sa naučnim, kulturnim i obrazovnim institucijama u cilju poboljšanja kvalitete življenja
5. Organizovanje stručno-naučnih seminara, javnih tribina, kurseva, multimedijalnih projekcija, sajмова, izložbi, promocije knjiga i ostalih skupova od kulturnog i naučnog značaja.
6. Osnivanje biblioteka, čitaonica i klubova za druženje
7. Uspostavljenje saradnje sa sličnim organizacijama u BiH i šire;
8. Uključivanje u projekte za međunarodnu saradnju, razmjenu ideja i pomoć u obrazovanju
9. Ostvarivanje saradnje sa preduzećima, ustanovama, državnim organima, medijima, humanitarnim organizacijama, vjerskim zajednicama i sl.
10. Omogućiti mladima da kroz edukaciju, komunikaciju, kulturu, sport i umjetničko djelovanje iskažu svoju odanost multietničkoj Bosni i Hercegovini, a umjetničke i kulturne aktivnosti koje se stavljaju na raspolaganje mladima su: učenje jezika, sticanje informatičkog znanja, pozorište, učenje menadžmenta, jačanje slobode izražavanja u različitim oblicima, itd.,
11. Poticanje mladih na socijalne aktivnosti pomažući im u savladavanju njihovih osobnih problema i iznalaženju rješenja za uspješnu socijalizaciju mladih u društvu,
12. Osnivanje škola, koledža, obdaništa i drugih obrazovno-odgojnih institucija,
13. Pokretanje i realiziranje humanitarnih aktivnosti,
14. Osnivanje radio – televizijskih stanica, izdavanje novina, časopisa, knjiga i druge aktivnosti koje imaju za cilj propagiranje ideja i ciljeva udruženja,
15. Osnivanje proizvodno – uslužnih preduzeća i samostalnih radnji, te pokretanje privredno - ekonomskih aktivnosti radi obezbjeđivanja sredstava kojima će Udruženje finansirati svoje aktivnosti,
16. Zalaganje na polju poštivanja i zaštite ljudskih prava,
17. Zalaganje na polju borbe protiv droge i prevencija svih vrsta negativnih ovisnosti,
18. Sve druge djelatnosti koje su u skladu sa Zakonom i statutom Udruženja, a u funkciji su ostvarivanja ciljeva Udruženja i zadovoljenje potreba njenog članstva.

#### **Član 4.**

Udruženje ima područje djelovanja, a to je područje USK-a, a saradnju može ostvarivati i sa udruženjima iz drugih kantona, države i inostranstva.

## **Član 5.**

Udruženje može radi ostvarivanja svojih statutarnih ciljeva i djelatnosti osnivati subjekte za privrednu i drugu djelatnost pod uvjetima utvrđenim zakonom i ovim statutom.

## **IV- ZASTUPANJE I PREDSTAVLJANJE**

### **Član 6.**

Udruženje zastupa i predstavlja predsjednik Upravnog odbora udruženja, koji u poslovima i pravnim radnjama vezanim za zastupanje i predstavljanje nastupa, postupa i predstavlja se kao predsjednik udruženja.

U odsutnosti predsjednika zamjenjuje predsjednik skupštine.

## **V-ORGANI UDRUŽENJA**

### **1. Skupština**

#### **Član 7.**

Skupštinu udruženja čine svi njegovi članovi.

Članovi udruženja mogu biti i pravna lica koja se učlane u udruženje u skladu sa odredbama zakona i ovog statuta, a podržavaju rad udruženja u skladu sa statutom.

#### **Član 8.**

Skupština udruženja ovlaštena je da:

1. donosi statut, izmjene i dopune statuta i druge akte određene statutom;
2. daje suglasnost na pravne radnje poduzete u postupku osnivanja;
3. bira i opoziva članove Upravnog odbora;
4. bira i razrješava dužnosti lica ovlaštena za zastupanje i predstavljanje;

5. usvaja izvještaje koje je pripremio Upravni odbor;
6. odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama udruženja;
7. donosi poslovnik o svom radu;
8. odlučuje o svim pitanjima koja nisu u nadležnosti drugog organa udruženja.

### **Član 9.**

Skupštine udruženja redovno se održavaju najmanje jednom godišnje, po pravilu, početkom proljeća, a najkasnije do kraja mjeseca maja tekuće godine.

Po potrebi mogu se održavati i vanredne i svečane skupštine Udruženja, koje se sazivaju na inicijativu ili prijedlog predsjednika, Upravnog odbora, ili najmanje jedne trećine ukupnog broja članova udruženja.

### **Član 10.**

Za održavanje i punopravno odlučivanje skupštine udruženja potrebno je prisustvo najmanje polovine članova udruženja, koji čine kvorum skupštine udruženja.

Skupština donosi odluke natpolovičnom većinom glasova prisutnih članova na skupštini, osim o donošenju statuta, izmjenama i dopunama statuta, i izboru i opozivu članova Upravnog odbora, o kojim pitanjima skupština udruženja donosi odluke dvotrećinskom većinom svih članova udruženja, kao i o drugim pitanjima utvrđenim statutom.

### **Član 11.**

Skupštinu udruženja saziva predsjednik udruženja.

### **Član 12.**

Ostala pitanja u vezi sa načinom rada i odlučivanja skupštine, uređuje se poslovníkom o radu skupštine udruženja.

## **2. Upravni odbor udruženja**

### **Član 13.**

Upravni odbor udruženja:

- 1.) priprema sjednice skupštine;

- 2.) priprema i predlaže nacrt o izmjenama i dopunama statuta i drugih akata koje donosi skupština;
- 3.) provodi politiku, zaključke, i druge odluke koje je donijela skupština;
- 4.) upravlja imovinom udruženja;
- 5.) podnosi godišnje i periodične izvještaje o svom radu skupštini na usvajanje;
- 6.) donosi akte čije donošenje nije u nadležnosti skupštine;
- 7.) vrši i druge poslove određene statutom.

#### **Član 14.**

Upravni odbor sastoji se od 5 članova, uključujući i predsjednika, koje imenuje i opoziva skupština udruženja dvotrećinskom većinom glasova svih članova udruženja.

Predsjednik upravnog odbora je ujedno i predsjednik udruženja, a imenuje se na mandat od dvije godine.

Mandat članove upravnog odbora traje četiri godine, i mogu se ponovno imenovati.

#### **Član 15.**

Upravni odbor nadležan je da:

- 1.) priprema sjednice skupštine;
- 2.) priprema i predlaže nacrt o izmjenama i dopunama statuta i drugih akata koje donosi skupština;
- 3.) provodi politiku, zaključke, i druge odluke koje je donijela skupština;
- 4.) odlučuje o pribavljanju sredstava, pokretne i nepokretne imovine u korist i za račun udruženja te o raspolaganju sa tom imovinom u skladu sa zakonom i ovim statutom;
- 5.) brine o obezbjeđivanju sredstava i drugih uvjeta za rad udruženja;
- 6.) upravlja imovinom udruženja;
- 7.) donosi programe rada i financijske planove udruženja, razmatra i usvaja periodične obračune, utvrđuje prijedlog godišnjeg obračuna i podnosi ga skupštini na usvajanje;
- 8.) podnosi godišnje izvještaje o svom radu skupštini na usvajanje;
- 9.) imenuje stalna i povremena radna tijela udruženja (komisije, odbori i sl.);
- 10.) donosi pravilnike i druge opće i pojedinačne akte u skladu sa ovim statutom;

- 11.)odlučuje o sadržaju i obliku članske karte, visini članarine, rokovima i načinu plaćanja članarine;
- 12.)odlučuje o odgovornosti članova udruženja i prestanku članstva u udruženju;
- 13.)odlučuje o pripremanju skupštine udruženja;
- 14.)poduzima mjere i aktivnosti u cilju afirmacije udruženja i omasovljenja članstva;
- 15.)odlučuje o zaključivanju ugovora, sporazuma i drugih akata sa trećim osobama;
- 16.)odlučuje o osnivanju subjekata za privrednu i drugu djelatnost, pod uvjetima utvrđenim zakonom i ovim statutom;
- 17.)odlučuje o dodjeli javnih priznanja i nagrada u skladu sa zakonom i aktima udruženja;
- 18.)odlučuje o službenim putovanjima u zemlji i inozemstvu;
- 19.)odlučuje o potrebi zapošljavanja i drugog angažovanja stručnog i administrativnog osoblja za potrebe udruženja;
- 20.)brine se i odlučuje o izvršavanju zadataka koji se odnose na financijsko poslovanje udruženja u skladu sa zakonom;
- 21.)vrši i druge poslove u skladu sa zakonom, ovim statutom i odlukama skupštine udruženja.

## **Član 16.**

Upravni odbor radi i odlučuje na sjednicama, koje po potrebi priprema i saziva predsjednik upravnog odbora, na ličnu inicijativu ili na inicijativu, odnosno zahtjev najmanje tri člana upravnog odbora.

Upravni odbor donosi odluke većinom glasova svih članova upravnog odbora.

Ostala pitanja koja se odnose na rad i odlučivanje upravnog odbora uređuje se Poslovníkom o radu Upravnog odbora.

## **VI – PEČAT UDRUŽENJA**

### **Član 17.**

Pečat udruženja je okruglog oblika prečnika 30 mm sa tekstom po obodu: "Udruženje" ispisanog latiničnim pismom; u sredini je naziv udruženja "Život".

### **Član 18.**

Udruženje po odluci upravnog odbora , uz odobrenje skupštine može promijeniti ime udruženja i tekst na pečatu, odnosno pečat prema važećim zakonskim propisima.

## **VII – STICANJE I RASPOLAGANJE IMOVINOM**

### **Član 19.**

Imovinu udruženja čine novac, stvari i prava koje udruženje stekne u radu ili po osnovu rada.

Imovinu udruženja čini:

- prikupljanje članarine od članova udruženja ;
- prikupljanje dobrovoljnih priloga i donacija od građana i pravnih lica, organa, organizacija i institucija;
- doznačivanje sredstava iz budžeta općine i budžeta kantona, ukoliko su ta sredstva predviđena u tim budžetima;
- prihod ostvaren od strane subjekata osnovanih za privrednu i drugu djelatnost pod uvjetima utvrđenim zakonom i ovim statutom;
- i drugi prihodi stečeni u skladu sa Zakonom.

### **Član 20.**

Sredstvima udruženja raspolaže upravni odbor udruženja, u skladu sa zakonom, programom rada i finansijskim planom, vodeći računa da se sredstva koriste u svrhu ostvarivanja ciljeva i djelatnosti udruženja.

Nalogodavac za izvršenje finansijskog plana i raspolaganje, odnosno utrošak sredstava udruženja je predsjednik udruženja.

## **VIII – FINANCIJSKI IZVJEŠTAJ I IZVJEŠTAJ O RADU**



## **Član 21.**

Financijski izvještaj i izvještaj o radu udruženja, na prijedlog predsjednika udruženja, priprema i utvrđuje upravni odbor udruženja, kojeg podnosi skupštini udruženja na usvajanje najmanje jednom godišnje, a po potrebi i periodično, odnosno u rokovima utvrđenim zakonom.

## **IX – STATUT I OPĆI AKTI UDRUŽENJA**

### **Član 22.**

Statut udruženja donosi skupština, na prijedlog predsjedavajućeg skupštine, dvotrećinskom većinom glasova osnivača.

### **Član 23.**

Izmjene i dopune statuta vrše se donošenjem odluke o izmjenama i dopuna statuta, koju odluku donosi skupština udruženja dvotrećinskom većinom glasova svih članova udruženja.

Izmjene i dopune statuta vrše se na prijedlog upravnog odbora, koji utvrđuje nacrt odluke o izmjenama i dopunama statuta, ili na inicijativu najmanje 1/3 članova udruženja.

### **Član 24.**

Nacrt Odluke o izmjenama i dopunama statuta dostavlja se u pismenom obliku svim članovima udruženja, najmanje na 8 dana prije održavanja skupštine udruženja na kojoj će se odlučivati o izmjenama i dopunama statuta.

### **Član 25.**

Pored statuta, u udruženju se mogu donositi i druga opća akta udruženju kojima se bliže uređuju pitanja od značaja za rad udruženju, a naročito rad i radni odnosi u udruženju, financijsko poslovanje udruženja, disciplinska odgovornost i prestanak članstva u udruženju, način i postupak dodjele nagrada i javnih priznanja, i druga pitanja.

Druga opća akta iz predhodnog stava donosi upravni odbor udruženja na prijedlog predsjednika udruženja.

### **Član 26.**

Skupština udruženja donosi Poslovnik o radu skupštine udruženja, većinom glasova prisutnih članova skupštine.

Poslovnik o radu skupštine sadrži pitanja koja se odnose na rad i odlučivanje skupštine, a naročito, pripremanje i sazivanje skupštine, održavanje i rad skupštine, rukovođenje radom skupštine, stalna i povremena radna tijela skupštine, način odlučivanja skupštine, odnos skupštine prema nadležnim organima i javnosti, te druga pitanja od značaja za rad skupštine udruženja.

### **Član 27.**

Upravni odbor može po potrebi donijeti Poslovnik o radu upravnog odbora, većinom glasova svih članova upravnog odbora.

Poslovnik o radu upravnog odbora sadrži pitanja koja se odnose na način rada, pripremanje i sazivanje sjednice, tok sjednice, odlučivanje na sjednici, odnos upravnog odbora prema skupštini udruženja i druga pitanja od značaja za rad upravnog odbora.

## **X ČLANSTVO U UDRUŽENJU**

Udruženje može imati sljedeće kategorije članstva:

- član
- aktivni član
- počasni član
- 

### **Član 28.**

Članovima Udruženja smatraju se svi građani i pravna lica koja redovnim priložima i svojim aktivnostima potpomažu rad Udruženja u ostvarivanju njenih ciljeva i zadataka.

Član stiče pravo kandidovanja za poziciju aktivnog člana nakon jedne godine provedene u statusu člana.

Za stupanje u članstvo član Udruženja popunjava pristupnicu i daje izjavu na pripremljenom obrascu, a njegov status određuje organ koga je imenovala skupština Udruženja.

Primljeni član se upisuje u evidenciju članstva i izdaje mu se članska karta.

Članska karta ima značaj isprave kojom se dokazuje svojstvo člana Udruženja.

Oblik i sadržaj članske karte utvrđuje se odlukom Skupštine Udruženja.

### **Član 29.**

Na prijedlog Upravnog odbora Skupština Udruženja može donijeti odluku da član i prije isteka roka od jedne godine može preći u svojstvo aktivnog člana.

Na prijedlog Upravnog odbora Skupština Udruženja može donijeti odluku da član i nakon isteka roka od jedne godine ne može preći u svojstvo aktivnog člana.

### **Član 30.**

Samo aktivni član ima pravo kandidature za Skupštinu i Upravni odbor "ŽIVOT"-a.

### **Član 31.**

Počasni član Udruženja je lice koje Skupština Udruženja izabere za počasnog člana zbog naročitih zasluga za razvoj Udruženja.

### **Član 32.**

Aktivni članovi u principu plaćaju redovnu mjesečnu članarinu čiju visinu određuje Skupština.

Člani također mogu dobrovoljno plaćati mjesečnu članarinu.

### **Član 33.**

Organ koji dodjeljuje status članstvu ima pravo da to članstvo preispita, osim u situaciji kada je to drugačije regulisano Statutom.

### **Član 34.**

Članovi Udruženja "ŽIVOT" imaju prava i obaveze koji proističu iz statuta Udruženja "ŽIVOT". Fizička lica kao članovi "ŽIVOT"-a, učestvuju u radu i razvoju svoje aktivnosti neposredno, a pravna lica kao članovi "ŽIVOT"-a, učestvuju u radu i aktivnostima "ŽIVOT"-a preko svojih predstavnika.

### **Član 35.**

Za zadovoljavanje potreba članova Udruženja, u okviru istog mogu se organizovati sekcije za naučne, kulturne, sportske, vjerske i druge aktivnosti.

### **Član 36.**

#### **Članovi "ŽIVOT"-a ne mogu biti:**

- lica osuđena za krivična djela protiv bezbjednosti ili krivična djela ugrožavanja osnovnih ljudskih prava, kao i za krivična djela preuzeta po osnovu međunarodnih konvencija,
- lica kojima je izricana kazna isključenja ili neka disciplinska mjera kod drugih udruženja, asocijacija i organizacija, osim ako skupština "ŽIVOT"-a dvotrećinskom većinom bude smatrala drugačije,
- lica koja svojim lošim odnosom prema ostalim članovima narušavaju jedinstvo Udruženja

### **Član 37.**

U znak priznanja za savjesno ispunjavanje zadataka, za posebne rezultate i za svjestan i predan rad, Udruženje može pohvaliti i nagraditi svoje članove. Pohvale i nagrade se izdaju u vidu pohvalnica i diploma. Odluku o pohvalama i nagradama donosi Skupština Udruženja.

## **PRESTANAK ČLANSTVA**

### **Član 38.**

#### **Članstvo u Udruženju prestaje:**

- a) smrću
- b) istupanjem
- c) brisanjem
- d) isključenjem

### **Član 39.**

Svaki član Udruženja može slobodno istupiti iz članstva.

Sa odlukom člana o istupanju iz članstva upoznaje se predsjednik Udruženja, nakon čega se vrši evidentiranje istupanja.

### **Član 40.**

Brisanje člana iz evidencije vrši se kada član iz neopravdanih razloga zanemaruje vršenje svojih dužnosti ili kada aktivni član promjeni mjesto prebivališta i nastani se izvan područja djelovanja Udruženja.

### **Član 41.**

Isključenje iz članstva se vrši u slučaju kada član Udruženja teže povrijedi odredbe ovog Statuta ili ako djeluje protivno ciljevima i interesima Udruženja.

Odluku o isključenju donosi Upravni odbor na prijedlog Izvršnog odbora.

Isključenje iz Udruženja povlači za sobom i opoziv tog člana, ukoliko je izabran na određenu

funkciju, odnosno za predsjednika udruženja.

## **XII – RASPODJELA PREOSTALE IMOVINE U SLUČAJU PRESTANKA RADA UDRUŽENJA**

### **Član 42.**

U slučaju prestanka rada udruženja u skladu sa zakonom i ovim statutom, iz preostalih novčanih sredstava podmiruju se dugovi prema povjeriocima, dugovanja prema članovima

Preostala pokretna i nepokretna imovina udruženja može se:

1. prodati ili ustupiti na korištenje udruženju iste ili slične djelatnosti, drugom udruženju, pravnom ili fizičkom licu, na način i pod uslovima utvrđenim zakonom.
2. donirati ili dati na poklon udruženju iste ili slične djelatnosti, drugom udruženju, organu, organizaciji ili instituciji.

Iz sredstava ostvarenih prodajom imovine udruženja, podmiruju se nepomirena dugovanja iz stava 1. ovog člana, a preostala sredstva odnosno, imovina raspodjeljuje se prema odluci skupštine udruženja u skladu sa zakonom.

#### **Član 43.**

Sve odluke o raspodjeli preostale imovine u slučaju prestanka rada udruženja na prijedlog upravnog odbora, donosi skupština udruženja dvotrećinskom većinom glasova.

## **XII – ZAVRŠNE ODREDBE**

#### **Član 44.**

Ovaj statut stupa na snagu danom donošenja.